

წევრებთან ურთიერთობის კომიტეტის 2023-2024 წლების სამოქმედო გეგმა

ზოგადი ინფორმაცია სამოქმედო გეგმის შესახებ:

წევრებთან ურთიერთობის კომიტეტი აცნობიერებს „ბაფ“-ის, როგორც ქვეყანაში წამყვანი პროფესიული ორგანიზაციის როლსა და პასუხისმგებლობას საზოგადოების წინაშე, მზაობას გამოხატავს გაუწიოს „ბაფ“-ის წევრებს მრავალმხრივი მომსახურება და მისცეს მათ სარგებელი კლიენტებისთვის მაღალხარისხოვანი მომსახურების გასაწევად.

კომიტეტის საქმიანობის ფარგლებში დაგეგმილი ღონისძიებების მიზანია „ბაფ“-ის წევრებს დაეხმაროს, რომ ჰქონდეთ ლიდერის როლი ფინანსური აღრიცხვა-ანგარიშგების, აუდიტის, პროფესიული ეთიკისა და საგადასახადო დაბეგვრის სფეროში; კონკურენტებისგან გამოირჩეოდნენ პროფესიული სტანდარტების მაღალი ნიშნით, საუკეთესო განათლებითა და საქმიანი ჩვევებით.

დასახული მიზნების მისაღწევად, წევრების მომსახურების სფეროში დაგეგმილი სხვადასხვა ღონისძიებების გარდა, ძალიან მნიშვნელოვანია შესაბამისი სემინარებისა და ტრენინგების ჩატარება ფინანსური ანგარიშგებისა და აუდიტის სტანდარტების, პროფესიული ეთიკის კოდექსის, საგადასახადო დაბეგვრის, ხარისხის კონტროლის სტანდარტთან დაკავშირებული ყველა პროფესიონალური სიახლეების მიმართულებით, რათა წევრები მუდმივად ინფორმირებულნი იყვნენ მათ შესახებ, რაც საშუალებას მისცემთ გადალახონ თავიანთ საქმიანობასთან დაკავშირებული გამოწვევები.

ყველა დაგეგმილ სემინარს/ტრენინგს ექნება თემატური დატვირთვა, გაუძღვება პროფესიონალი წამყვანი და მათში მონაწილეობის შესაძლებლობა მიეცემა ნებისმიერ მსურველ „ბაფ“-ის წევრს.

კორპორატიული წევრებისათვის ჩატარდება ხარისხის მართვასთან დაკავშირებული სხვადასხვა სემინარები და გაიმართება ონლაინ შეხვედრები დისკუსიების ფორმატში. დაგეგმილი ღონისძიებები დაეხმარება მათ, თავიანთ საქმიანობაში შეძლონ ხარისხის მართვის დანერგვა და გაკონტროლება, რაც ხელს შეუწყობს გადალახონ თანამედროვე ბაზრის გამოწვევები.

გარდა დაგეგმილი სემინარების/ტრენინგებისა წევრებს, როგორც წესი, საშუალება ექნებათ ისარგებლონ იმ საკითხებთან დაკავშირებული კონსულტაციებით (სატელეფონო, ვიზიტით, წერილობითი ფორმით), რომელიც მათ პროფესიულ საქმიანობას უკავშირდება. ამ მიმართულებით წევრების მომსახურების მეთვალყურეობას გაწევს წევრებთან ურთიერთობის კომიტეტი.

კომიტეტი აქტიურად ჩაერთვება, სხვა კომიტეტებთან ერთად, საანგარიშო პერიოდების განგრძობითი სწავლების თემატიკის შესარჩევ სამუშაოებში (წევრების მოთხოვნების შესწავლა-გამოკითხვა) და პროგრამების პროექტების მომზადებაში.

კომიტეტის სამოქმედო გეგმით „ბაფ“-ის წევრებისათვის 2023-2024 წლებში, გარდა სავალდებულო განგრძობითი სწავლებისა, ჩატარდება სემინარები, ჯამურად 85 საათის მოცულობით, მათ შორის 45 საათი -2023 წელს და 40 საათი 2024-ში.

სემინარები/ტრენინგები ჩატარდება ონლაინ ფორმატში, პროგრამა Zoom-ის გამოყენებით.

ცალკეული სემინარის შესახებ დეტალური ინფორმაცია (ჩატარების თარიღი, საათები, ლექტორები და სხვა) გამოქვეყნდება ჩატარების თარიღამდე 10 დღით ადრე, „ბაფ“-ის ვებგვერდზე, ფეისბუქგვერდზე და „ბაფ“-ის ჟურნალში.

სემინარებში მონაწილეობის მსურველ წევრთა რეგისტრაცია მოხდება ელ.ფორმით, სპეციალური პროგრამის მეშვეობით.

განხორციელდება „ბაფ“-ის წევრების ინფორმირება ახალი საწევრო პროგრამის მოთხოვნების თაობაზე და ყოველკვარტალურად ეცნობებათ „ბაფ“-ის იმ წევრებს, მ.შ. კორპორატიულ წევრებს, რომლებთანც გააჩნიათ როგორც საწევრო დავალიანება, ასევე განგრძობითი განათლების მიღების საფასურის დავალიანებაც.

მიზანშეწონილია განხორციელდეს შეხვედრები „ბაფ“-ის წევრებთან ონლაინ რეჟიმში წელიწადში ერთხელ მაინც, გარდა „ბაფ“-ის გეგმიური საერთო კრებისა, სადაც განხილული იქნება პროფესიის წინაშე მდგარი მიმდინარე გამოწვევები.

დაგეგმილია წელიწადში მინიმუმ სამჯერ სხვადასხვა რეგიონში შეხვედრები „ბაფ“-ის წევრებთან, სადაც აუცილებლად უნდა მიიღონ მონაწილეობა საგადასახადო, ეთიკისა და სტანდარტების სფეროებში მიმდინარე სიახლეების გასაცნობად შესაბამისი კომიტეტების წარმომადგენლებმაც.

შემუშავდება და დაინერგება ღვაწლმოსილი ადამიანების, „ბაფ“-ის წევრების მიმართ ყურადღების გამოხატვის, დაფასებისა და მოტივაციის მიზნით დაჯილდოების, საიუბილეო თარიღების მილოცვისა და/ან დასაჩუქრების ფორმები.

პროექტით წარმოდგენილი სემინარების/ტრენინგების ჩატარების შესაძლებლობა, ინტელექტუალური და ფინანსური რესურსების გათვალისწინებით, შეთანხმებულია „ბაფ“-ის აღმასრულებელ დირექტორთან.

კომიტეტის სამოქმედო გეგმა 2023-2024 წლებში

1. წესდებითა და კომიტეტის დებულებით გათვალისწინებული საქმიანობა

	დაგეგმილი ღონისძიება	შესრულების ვადა	პასუხისმგებელი პირი	შენიშვნა
1.	კომიტეტის სხდომები (მინიმუმ 4 სხდომა)	სხდომები ჩატარდება პერიოდულად	კომიტეტის თავმჯდომარე	სხდომების თარიღი დამოკიდებული იქნება განსახილველ საკითხებზე
2.	საწევრო მოსაკრებლების გადახდაზე მონიტორინგი	პერიოდულად, მინიმუმ წელიწადში ორჯერ	წევრებთან ურთიერთობის მენეჯერი	გატარდება შესაბამისი ღონისძიებები

3.	წევრების სტატისტიკისა და საწევრო დავალიანებების შესახებ ანგარიშის მომზადება	საანგარიშო პერიოდის მომდევნო წლის 31 იანვრამდე	თ. ნიქაბაძე, შ. გამიაშვილი	ანგარიში წარედგინება მთავარ ბუღალტერს და აღმასრულებელ დირექტორს
4.	„ბაფ“-ის წევრებთან შეხვედრები რეგიონებში	წელიწადში 3 რეგიონში	კომიტეტის თავმჯდომარე	
4.	„ბაფ“-ის წევრებთან ონლაინ შეხვედრა	წელიწადში ერთხელ	ბაფის შესაბამისი კომიტეტები და სტრუქტურები	
6.	„ბაფ“-ის ღვაწლმოსილი წევრების დაჯილდოება და სადღესასწაულო დღეების მილოცვა	პერმანენტულად	„ბაფ“-ის წევრებთან ურთიერთობის კომიტეტი, გამგეობის თავმჯდომარე და აღმასრულებელი დირექტორი	

2. თემატური სემინარები/ტრენინგები 2023 წელს

	დაგეგმილი სემინარების თემატიკა	საათების რაოდენობა	ჩატარების ვადები და საათობრივი განაწილება	შესრულებაზე პასუხისმგებელი პირი
1.	პროფესიული ეთიკის კოდექსი	6 საათი	სექტემბერი 6 საათი	კომიტეტის თავმჯდომარე
2.	ფინანსური ანგარიშგების სტანდარტები	6 საათი	მაისი 6 საათი	სტანდარტების კომიტეტის თავმჯდომარე
3.	ხარისხის კონტროლის მართვა მცირე და საშუალო ზომის კომპანიებში	3 საათი	ივლისი 3 საათი	კომიტეტის თავმჯდომარე
4.	საგადასახადო დაბეგვრა	6 საათი	ივლისი 6 საათი;	კომიტეტის თავმჯდომარე,
	სულ 2023 წელს ჩასატარებელი სემინარების მოცულობა	21 საათი		

3. თემატური სემინარები/ტრენინგები 2024 წელს

	დაგეგმილი სემინარების თემატიკა	საათების რაოდენობა	ჩატარების ვადები და საათობრივი განაწილება	შესრულებაზე პასუხისმგებელი პირი
1.	პროფესიული ეთიკის კოდექსი	4 საათი	თებერვალი 4 საათი	კომიტეტის თავმჯდომარე
2.	ფინანსური ანგარიშგების სტანდარტები	6 საათი	მაისი 6 საათი	კომიტეტის თავმჯდომარე
3.	ხარისხის კონტროლის მართვა მცირე და საშუალო ზომის კომპანიებში	6 საათი	ივნისი 6 საათი	კომიტეტის თავმჯდომარე
4.	საგადასახადო დაბეგვრა	6 საათი	ივლისი 3 საათი; დეკემბერი 3 საათი	კომიტეტის თავმჯდომარე
5.	სულ 2024 წელს ჩასატარებელი სემინარების მოცულობა	22 საათი		

ნიკო ბაკაშვილი,
„ბაფ“-ის წევრებთან ურთიერთობის კომიტეტის თავმჯდომარე

